



Agahî ji bo parastvanên ku li pêşdibistanê xwedî zarok in

Belgekirina pedagojîk a dîjîtal a li Şaredariya Bollnäs'ê

Li pêşdibistanê, pêşdeçûn û hînbûna her zarokê divê li pêş çavan be. Çalakî divê bi awayekî domdar bên raçavkirin, da ku em bikarin dahûrînin û binirxînin bê ka em çi dikin. Nirxandin alfkariyê didin me ku em pê hêmin bin ku çalakiyên pêşdibistanê bi kêrî hemû potansiyela pêşdeçûna zarokê tê.

Li pêşdibistanên Şaredariya Bollnäs'ê, ev nirxandin bi awayekî dîjîtal, bi rêya amraza IT a bi navê Unikum tê pêkanîn. Eger hûn parastvan in, hûn dikarin çalakiyên pêşdibistanê bişopînin, li gel agahiyên pêşdeçûn û hînbûna zarokên xwe. Xebatkarên pêşdibistanê dê Unikum'ê bi kar bînin ji bo ku bi we re (parastvan) bikevin nav têkiliyê.

Pirs û bersivên giştî

Unikum çi ye?

Unikum platformeke dîjîtal e ku tê de (bo nimûne) cihê ji bo nameyên heftane, menûyên xwarinê, bername, nirxandinên me û yên zarokan, vebeyî û belgekirina roj-bi-roj ku bi şiklê tîketina blogê ya ji çalakiyên li pêşdibistanê hene. Hûn ê bibînin ku çalakî çawa bi bernameya pêşdibistanê re têkildar in, bo nimûne bê ka em pîlana çi dikin ku li pêşdibistanê pêk bînin. Hûn dikarin zarokê xwe bişopînin û bi rêya wêne, belgekirin û vebeyînan lê binêrin ka koma pêşdibistanê çi dike.

Wek her car, gava ku hûn hatin û we zarokê xwe li pêşdibistanê wergirt hûn ê bi devkî agahiyan bistînin. Dema hûn gihîştin malê, hûn dikarin Unikum'ê bi kar bînin, bixwînin û li wêneyan binêrin, û zarokê we dê bikare ji we re bibêje ka me bi hev re wê rojê li dibistanê çi kir û çi tecrîbe kir.

Kî dê agahiyên derbarê zarokê min û derbarê min bibîne?

Wek parastvan, hûn dikarin bibînin ka kîjan zarokên din di nav koma zarokê we de ne û parastvanên zarokên li pola zarokê we kê ne, û hûn dikarin agahiyên derbarê komê tev bistînin.

Bi tenê hûn, parastvan, û mamosteyên berpirsiyarê koma zarokan dikarin belgekirinên hînbûn û pêşdeçûna zarokê xwe yê li pêşdibistanê bibînin. Çi parastvan nikarin xwe bigihînin belgekirinên pêşdeçûn û hînbûnên derbarê zarokên din.

Belgekirinên li nav Unikum'ê bi tenê ji bo şexsên berpirsiyar in. Lewre, divê hûn fotograf an jî belgeyan bi şeweyên din, wek medya civakî yê wek Facebook an jî Instagram kopî nekin, parve nekin an jî bi kar neynin.

Agahî bi awayekî ewle tînen veşartin?

Agahî li ser înternetê bi awayekî şifrekirî tînen şandin, her wekî banqeya înternetê.

Hemû parastvan ji bo tîketinê divê e-nasnameyê/NasnavêBanqê bi kar bînin.

Serverên ku agahî tê de hatine veşartin li navendên baş-çavdêrîkirî û baş-parastî hatine bicihkirin. Sistem ji aliyê xebatkarên pîspor ên şixul bi şev û roj tînen çavdêrîkirin, û agahî bi domdarî tînen destegkirin. Sistem ji aliyê dîwarênagir tînen parastin.

Çima Jimareyên Nasnameyê yê Şexsî (jimareyaşexs) tèn bikaranîn?

Ewlekarî- û pêwîstiyên şexsîbûnê girîng in, lewma Jimareyên Nasnameyê yê Şexsî tèn bikaranîn, her wekî ew ji bo xizmetên banqeyan ên li ser înternetê an jî ji bo Saziya Parastina Civakî bèn bikaranîn, bo nimûne.

Jimareyên nasnameyê yê Şexsî niha li hemû pêşdibistan û dibistanên welêt tèn bikaranîn ji bo ku xwendekarên beşdarî hemû pêşdibistan û dibistanan dibin bèn naskirin, û her wiha ji bo nasandina bi rêk û pêk a parastvanan. Jimareya Nasnameyê ya şexsî pêwîst e da ku bê zanîn ku agahiyên derbarê zarokê we bi parastvanê rast ve hatine têkildarkirin.

Ji ber ku agahiyên nav Unikum'ê de agahiyên şexsî bihewînin, Şaredariya Bollnäs'ê divê li gor Qanûna Daneyên Şexsî (PDA) tevbigere, di demeke nêzik de jî divê li gor Qanûna Parastina Daneyan be.

Belgekirinên derbarê zarokê min ji bo çiqas demê tèn veşartin?

Belgekirina derbarê zarokê we li heyama ku zarokê we li pêşdibistanê be de bê domandin. Eger zarokê we pêşdibistana xwe biguherîne di nav sînorê Şaredariyê de, belgekirinên zarokê we de bi wî/wê re bê.

Razîbûn tê xwestin?

Ji ber ku Unikum amraza ku Şaredariya Bollnäs'ê ji bo belgekirina hînbûna hemû zarokên pêşdibistanê bijartiye, razîbûna ji hêla we (parastvanan) ji bo vê yekê pêwîst nake. Em êdî li şûna kaxez û pênûsan amrazeke dijîtal bi kar tînin.

Mamoste de wêneyên zarokên we bêxin nav belgeyên zarokê we bi xwe. Dîsa jî, eger bixwazin wêneyên zarokên we bêxin nav belgeyên koma pêşdibistanê, ku hemû parastvanên nav komê dikarin bibînin, divê hûn razîbûna xwe nîşan bidin. Hûn dikarin vê yekê li gel xebatkarên pêşdibistanê bi rêya forma ji bo deng, film û îmajên li ser medya civakî, înternet û agahiyên çapkirî jî pêk bînin

Zanîna girîng

Belgeya giştî

Belgekirina pedagojîk belgeyeke giştî ye. Li gor rêgezên gihîştina giştî ya bi belgeyên fermî, mimkun e ku mirov belgeyên giştî yê nav destê Şaredariyê bixwaze. Eger şexsek belgekirineke pedagojîk bixwaze, nirxandineke veşartûbûnê tê pêkanîn, vêca agahiyên hesas, eger ku hebe, tèn jêbirin, beriya ku belgekirinek bê şandin.

Agahiyên hesas

Belgekirinên pedagojîk li pêşdibistanê ji aliyê xebatkarên tèn nivîsandin. Tişt ku tê nivîsandin divê agahiyên hesas negire nav xwe.

Wate û etiket – Agahiyên girîng ên li ser qadên metna serbest!

Belgekirina dijîtal dibe ku qadên metna serbest bihewîne. Qadên metna serbest divê pênase û nirxandinên taybetiyên takekesî yê şexsan nehewinin. Destûra îfadeyên tawanbar jî nayê dayîn. Ev yek ji bo hemû kesên ku Unikom'ê an jî amrazên din ên dijîtal bi kar tîne derbasdar e.

Agahiyên din

Eger derbarê belgekirina pedagojîk de bêtir pirsên we hebin, hûn dikarin bi xebatkar an jî rêveberê pêşdibistana xwe re bikevin nav têkiliyê.

De niha destpê bikin!

Hûn dikarin an bi rêya kompîtira xwe an jî bi sepanên ji bo telefonên jîr an jî tabletan amadekirî xwe bigihînin Unikom'ê.

Biçin navnîşana <https://start.unikum.net/> an jî sepana Unikom'ê daxînin ser telefona xwe ya jîr an jî tableta xwe. Dema hûn hatin wir, 'bi şikleki dîn têkevê' bibijêrin (*Andra sätt att logga in*), û piştê 'Şaredariya Bollnäs' (*Bollnäs kommun*) vebijêrin. Piştê, bi bikaranîna Jimareya Nasnameya Banqê an jî Jimareya Nasnameya Banqê ya Mobîl têkevinê. Dema ku mamosteyên koma we ya pêşdibistanê tiştêki têkildarî we wek parastvan an jî têkildarî zarokê we lê bar bikin, hûn ê di sepanê de hişyariya vê yekê wergirin.

Di www.unikum.net de, hûn dikarin derbarê vê bêtir tiştan bixwînin, filmên agahdariyê bibînin, şîroveyên parastvanên pêşdibistanên din ên derbarê vê amrazê bixwînin.

Hûn dikarin li ser malpera me ya webê:

<http://www.bollnas.se/index.php/unikum> agahiyên piştgiriyê, filmên agahdariyê û bêtir tiştan peyde bikin

Em bi bikaranîna vê amrazê li benda serdemeke hîndar in!